

Na osnovu člana 16. stav (1) tačka k) Statuta Agencije za bankarstvo Federacije Bosne i Hercegovine („Službene novine Federacije BiH“, broj 3/18) i člana 9. stav (2) Odluke o privremenim mjerama koje lizing društva i mikrokreditne organizacije primjenjuju za ublažavanje negativnih ekonomskih posljedica uzrokovanih virusnim oboljenjem „COVID-19“ („Službene novine Federacije BiH“, broj 22/20), direktor Agencije za bankarstvo Federacije Bosne i Hercegovine donosi

**ODLUKU
O FORMI I ROKOVIMA ZA DOSTAVU IZVJEŠTAJA LIZING DRUŠTAVA I
MIKROKREDITNIH ORGANIZACIJA O EFEKTIMA REALIZACIJE
POSEBNIH MJERA PODUZETIH ZA UBLAŽAVANJE POSLJEDICA
UZROKOVANIH OBOLJENJEM „COVID-19“**

Član 1.

Ovom odlukom se određuju forma i rokovi za dostavu izvještaja lizing društva i mikrokreditne organizacije iz člana 9. stav (2) Odluke o privremenim mjerama koje lizing društva i mikrokreditne organizacije primjenjuju za ublažavanje negativnih ekonomskih posljedica uzrokovanih virusnim oboljenjem „COVID-19“ („Službene novine Federacije BiH“, broj: 22/20 - u daljem tekstu: Odluka o privremenim mjerama) Agenciji za bankarstvo Federacije Bosne i Hercegovine (u daljem tekstu: Agencija).

Član 2.

O primjeni i efektima posebnih mjera iz Odluke o privremenim mjerama, lizing društva i mikrokreditne organizacije su obavezne Agenciji dostavljati sljedeće izvještaje:

- a) LD - Privremene mjere COVID 19: Privremeni moratorij (Obrazac: LD MOR-COV), prilog 1;
- b) LD - Privremene mjere COVID 19: Posebne mjere – Ostale posebne mjere (Obrazac: LD OPM-COV), prilog 2;
- c) MKO - Privremene mjere COVID 19: Privremeni moratorij (Obrazac: MKO MOR-COV), prilog 3;
- d) MKO - Privremene mjere COVID 19: Posebne mjere – Ostale posebne mjere (Obrazac: MKO OPM-COV), prilog 4;

Član 3.

(1) Izvještaje iz člana 2. tačka a) i b) ove odluke dostavljaju lizing društva sa sjedištem u Federaciji Bosne i Hercegovine.

(2) Izvještaje iz člana 2. tačka c) i d) ove odluke dostavljaju MKO sa sjedištem u Federaciji Bosne i Hercegovine, kao i podružnice MKO sa sjedištem u Republici Srpskoj i Brčko Distriktu koje posluju na području Federacije Bosne i Hercegovine, kojima je Agencija izdala dozvolu za rad.

(3) Lizing društva i mikrokreditne organizacije su u obavezi izvještaje iz člana 2. ove odluke dostavljati u elektronskoj formi, najkasnije do 15-og u mjesecu za prethodni mjesec, počev od mjesečnog izvještaja sa 30.04.2020. godine.

(4) Forma obrazaca iz člana 2. je u prilogu ove odluke i čini njen sastavni dio.

Član 4.

Ova odluka stupa na snagu danom donošenja i ista će se objaviti u „Službenim novinama Federacije BiH“.

Broj: 01-1311/20

Sarajevo, 09.04.2020. godine



DIREKTOR

Jasmin Mahmužić

